



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Magni Servi Dei P. Julii Mancinelli Societatis Jesu

Cellesi, Jacopo

Oeniponti, 1677

Procemium.

urn:nbn:de:hbz:466:1-42734



LIBER III.

DE VITA PATRIS JULIJ
MANCINELLI.

Visiones, Revelationes, Gratia singulares
ipsi à Deo concessa.

IN hoc ultimo libro habiturus quidem sum materiam scribendorum copiosam admodum & prolixam, verum, ut opinor, non ita ex ordine & continenti filo pendentem; Pater enim Julius jam prius eam scripserat: Cum autem sua eum animi demissio interpellaret, totam deinde historiam dilaceravit metu & odio vanæ gloriæ, quod cum superiores rescissent, novum ei præceptum injunxerunt, ut eam iterum conscriberet, quod cum aliquot post annis obedienter exequeretur, factum est, ut ille rerum omnium non tam exactè amplius meminisset, & multa adjuncta alioquin historiam valde exornatura vel sileret, vel omitteret, satis habens substantiam indicasse factorum, & obedivisse, adjuncta autem sive accidentia non magnopere accuravit ex dubio, ne fortan quæ deciperetur, quanquam ipse plus quam certus esset, suum spiritum esse bonum & tutum ex continua eventorum serie, & infallibili successu, item ex certis assistentis sibi divinæ gratiæ & per superiores approbatis signis, quos inter erat Sanctus Franciscus Borgia sibi amicissimus, & in hisce casibus versatissimus, & ab omnibus prudentibus ac bonis viris, qui ipsum noverunt, ac cum eo egerant.

P. Julius
se scripta
dilacera-
vetat.

Imperata
nova scri-
ptio.

Omissa ad-
juncta re-
rum, accessit
oblivio.

Gg 2

Nec

P. Julius
scripsit tra-
ctatum, in
quo distin-
guit reve-
lationes,
visiones &
intelligen-
tias.

Operatio-
nes natura-
& gratia,

Nec ipse similibus in rebus hospes fuit & peregrinus, nam integrum & solidum reliquit tractatum, in quo summa cum prudentia, doctrinâ ab experientiis collectâ describit, & distinguit revelationes, visiones, & intelligentias, separat bonas à suspectis, docet modos eas cognoscendi, ne ab astuto decipiamur spiritu, qui se transfiguratur in angelum lucis, ut simplicibus & incautis imponat. Quo in proposito solidè valde & perspicuè tradit modos, quos tenet intellectus noster operandi, de divisionibus, & speciebus, de viribus imaginatricis facultatis, de varietate phantasmatum, de operationibus, quæ haberi possunt à natura, & quæ à gratia, ut & ultra naturalem, & acquisitam etiam se probet experientissimum supernaturalis & infusæ philosophiæ; lectorique sua lustranti planè persuadeat, fieri de facili non potuisse, ea subjecta esse erroribus. Inter plurima ab ipso relicta ego faciam delectum, afferamque ea duntaxat, quæ sunt illustriora, neque tædio esse possunt legenti propter similitudinem.

C A P I T U L U M

De Sanitatibus miraculosè collatis.

Inventio
Cilicij mi-
raculosa.

IN hac materia, qua de agunt omnia prope hujus vitæ capita, & quæ sola sufficeret contexendo magno volumini, placet mihi exordiri in hoc præsentis capite, ab eo, quod mihi causa & occasio fuit scribendi omnia reliqua capita, & est inventio cujusdem cilicij Patris Julij miraculosa, plus quàm quadraginta annis post ejus mortem Maccratae in Patria sua in lucem protracti, ubi postquam per illud (ita dicere ex vero possumus) moribundam à morte ad vitam revocavit, pergit nunc quotidie servus Dei conferre gratias, & continuata beneficia. Lucia Vxor Petri
de